

<><><><><><>

PM-CS Day

प्रधानमंत्री नरेन्द्र मोदी होरें अज्ज नमीं दिल्ली च 17में सिविल सेवा ध्याड़े दे मौके पर लोक सेवकें गी संबोधत कीता। उ'नें लोक सेवकें गी आधुनिक भारत दा शि ल्पकार करार दिंदे होई आखेआ जे अज्ज दुनिया भारत च निवेश करने लेई बड़ी उत्सुक ऐ ते हून एह साढ़ी जिम्मेदारी ऐ जे अस इस मौके पर पूरा-पूरा लाह ठोआचै। उ'नें आखेआ जे पिच्छले 10एं ब'रें च असें जेहड़ियां कामयाबियां हासल कीतीआं न उ'नें विकसित भारत दे नजरिये गी मूर्त रूप देने लेई इक मजबूत नीह रक्खने दा कम्म कीता ऐ। श्री मोदी होरें आखेआ जे अज्ज जेहड़ी नीतिएं पर कम्म कीता जा'रदा ऐ, जेहड़े फैसले लैते जा करदे न, ओह इक जहार ब'रें दा भविक्ख लिक्खा करदे न। उ'नें आखेआ जे लोक सेवकें गी लोड़चदा ऐ जे ओह अगगे बी बेह्तरीन कम्म करदे रौहन ते अपने आपै गी लगातार चुनौती दिंदे रौहन। उ'नें आखेआ जे इस बारी दा लोक सेवकें सरबंधी ध्याड़ा केई वजहें करी मता खास ऐ, कीजे इस ब'रे अस अपने संविधान दा 75मां ब'रा मना करने आं ते एह सरदार वल्लभ भाई पटेल जी हु'दी 150मीं जयंती दा बी ब'रा ऐ। श्री मोदी होरें इस मौके पर बक्ख-बक्ख खेत्तरें च देसै दिएं उपलब्धिएं ते भविक्ख लेई मुकर्रर कीते गेदे नमें लक्ष्यें पर बी लोऽ पाई ते आखेआ जे इ'नें लक्ष्यें गी हासल करने च लोक सेवकें दी भूमिका मती महत्वै आहली होग।

<><><><><><>

US-VP

अमरीका दे उपराष्ट्रपति जे.डी.वैंस भारत दी चऊं दिनें दी अधिकारिक यात्रा पर अज्ज नमीं दिल्ली पुज्जे। वैंस हुंदे कन्नै उंदी घरै आली उषा वैंस ते अमरीकी प्रशासन दे वरिष्ठ अधिकारी बी हैन। सूचना ते प्रसारण मंत्री अश्विनी वैष्णव होरें ब्हाई अड्डे पर उंदा सुआगत कीता। वैंस होर अज्ज संजा प्रधानमंत्री नरेन्द्र मोदी हुंदे'नै दपक्खी गल्लबात करगन। एहदे परैत ओह दिल्ली च होरने कार्यक्रमें च शामिल होंगन। उंदा जयपुर ते आगरा जाने दा बी कार्यक्रम ऐ। उंदे भारत दौरे दा मकसद दपक्खी सरबंधें दा जायजा लैने दे कन्नो कन्नी जंदी 13 फरवरी गी भारत ते अमरीका दे सांझे घेशणा पत्र दे नतीजे च हासल प्रगति दा आंकलन करना बी ऐ।

<><><><><><>

Ramban Rescue

बददल फटने ते पस्सियां पौने करी प्रभावत रामबन जिले च राहत ते बचाह कारवाई अज्ज बडलै परतियै शुरू करी दित्ती गेदी ऐ। भारी बरखा, तूफान, ऐन गड़ा ते चानचक्क आए दे हाड़ें करी रामबन जिले च बड़ी मती तबाही मची ते बड़्छे पैमाने पर नुकसान होआ ऐ। त्रऊं न्याणें सनें त्रै जनें दी मौत होई गई ऐ जिसलै दे सैंकड़ा बद्धे लोकें गी सुरक्षत बचाई बी लैता गेआ ऐ। जिला विकास कमीशनर बसील-उल-हक चौधरी हुंदी अगुवाई च जिला प्रशासन हालात पर नेड़मी तक्क रखै करदा ऐ जिसलै जे पुलस, फौज, एसडीआरएफ, एनडीआरएफ ते तुरत कारवाई आलिणं टीमें दे इलावा केई गैर सरकारी संगठन बी बचाह कारवाइए च रुज्जे दे न। तोआई रामबन जिले च केई थाहरें ल्हास-पस्सियां ते कुप्पड़ पौने करी, जम्मू-श्रीनगर राश्ट्री जरनैली सिड़क एनएच-44 अजें बी गड्डिणं दी आओजाई लेई बंद ऐ। राश्ट्री जरनैली सिड़कें सरबंधी भारती प्राधिकरण दे अधिकारिणं आखेआ ऐ जे सिड़कै गी ब्हाल करने च घट्टोघट्ट इक हफ्तें दा समें होर लग्गी सकदा ऐ। तोआई खराब मौसम दे मददेनजर प्हाड़ी जिले रामबन ते डोडा च अज्ज एहतियात दे तौर उपपर सब्भनें सरकारी ते निजी स्कूलें सने होरनें दुए शिक्षा इदारे गी बी बंद रक्खेआ गेदा ऐ।

<><><><><><>

Sakina GMC Rajouri

जमीनी सतह उपपर सेहत दिक्खभाल आली सहूलतें दा जायजा लैने दी इक महत्वपूर्ण गैह दे तैहत सेहत मंत्री सकीना इत्तू होरें जंदी रातीं सरकारी मैडिकल कालेज अस्पताल राजौरी दा चानचक्क दौरा लाया। इस दरान उनें मैडिकल अमले ते मरीजें कन्नै गल्लबात करियै उंदे मसलें ते चैंताएं गी सुनेआ। मंत्री होरें उनेंगी इस गल्ला दा जकीन दोआया जे सरकार मरीजें गी मय!यारी सेहत सूहलतां दस्तेयाब करोआने लेई वचनबद्ध ऐ। मंत्री होरें प्रदेश दे केई सारे अस्पतालें च डाक्टरें ते ढांचागत सुविधाएं दी कमी दी गल्ल स्वीकार करदे होई एह जकीन दोआया जे इनें मसलें गी हल करने ते सब्भने स्तरें पर सेहत ढांचे गी तगड़ा बनाने लेई पक्क गै ठोस गैहियां पुटिट्यां जागन।

<><><><><><>

CS Education

मुख्य सचिव अटुल डुल्लु होरें जम्मू-कश्मीर च स्कूली शिक्षा दी स्थिति दी समीक्षा लेई कल इक बैठक दी प्रधानता कीती। इस मौके पर शिक्षा दे नतीजें च सुधार ते शिक्षा प्रणाली दा दर्जा बढाने पर ध्यान केन्द्रित कीता गेआ। बैठक दरान पढ़ाई च आर्टिफीशियल इंटेलीजेंस दे इस्तेमाल, आर्टिफीशियल इंटेलीजेंस पर आधारित मॉडल विकसित करने ते स्कूलें दी निगरानी लेई डिजिटल मंच कायम करने दी जरूरत पर जोर दित्ता गेआ। एह्दे अलावा बैठक दरान समग्र शिक्षा ते पीएम श्री योजनाएं तैहत हासल प्रगति दा बी जायजा लैता गेआ। मुख्य सचिव होरें समग्र, डिजिटल ते कौशल पर आधारित पढ़ाई दी जरूरत पर जोर पांदे होई 2025-26 दरान सभ्भनं हायर सैकेंडरी स्कूलें च स्मार्ट क्लासें दी बवस्था जकीनी बनाने लेई बी आखेआ।

<><><><><><>

AYUSH Pharmacist Course

पारम्परिक सेह दिक्खभाल आली शिक्षा दे ढांचे गी तगड़ा बनाने दी इक महत्वपूर्ण गैह दे तैहत रामबन दे जिला इंतजामिया नै जिले दे एएनएमटी स्कूलें च पैहली बारी आयुष फार्मासिस्ट कोर्स शुरू कीता ऐ। डिप्टी कमीशनर बसीर-उल-हक चौधरी हुंदी अगुवाई हेठ कीती गेदी एह पैहलकदमी दवाइए औषधिएं आली भारती पद्धतिएं च कुशल कार्यबल कायम करने दी दिशा च मती महत्वपूर्ण गैह ऐ। इस नमें रंभे गेदे कोर्स च 10 विद्यार्थिं अपनी शमूलियत जमीनी बनाई ऐ। जदके होरने मैडिकल विशे िमां 90 सखेत्तरुं गी आयुर्वेद दे बुनियादी सिद्धांते कन्नै जोड़ेआ जा'रदा ऐ।

<><><><><><>

KKGs Poonch

समाज च भलेआं हेठली सतह तोहड़ी राई-बाई आहली सेवाएं दी दस्तयाबी जकीनी बनाने लेई पुंछ दे जिला विकास कमिशनर विकास कुंडल होरें राई-बाई खेत्तर दे पूरे-पराते विकास आहले कार्यक्रम दे तैहत जिले दिएं 5 पंचैतें च किसान खिदमत घरें दा उद्घाटन कीता। एह केन्द्र इक्कै थाहरै पर बक्ख-बक्ख चाल्ली दि'आं सेवां उपलब्ध करोआडन। जिला विकास कमिशनर होरें जिले दे दूर-दरेडे इलाकें तोहड़ी पुज्जने लेई मैहकमे दे जतनें दी सराहना कीती।

<><><><><><>